



VENDIM

Nr.111, Datë 01.07.2016

MBI

**LËNIEN NË FUQI TË VENDIMEVE NR .139, NR. 141, NR. 145,
NR.146, NR.147, NR. 148 DATË 26.12.2014 TË BORDIT TË
KOMISIONERËVE TË ERE-S PËR PERIUdhËN 1 KORRIK 2016-31
DHJETOR 2016**

Në mbështetje të neneve 10 pika 2, 16; 20 gërma “c” dhe 109 pika 5, të Ligjit Nr. 43/2015, “Për Sektorin e Energjisë Elektrike”, VKM Nr. 244 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrjnë aktivitetin e prodhimit, transmetimit, shpërndarjes dhe furnizimit me energji elektrike.” dhe nenit 22 të Rregullave të Organizimit, Funksionimit dhe Proçedurave të ERE-s, miratuar me vendimin e Bordit të ERE-s nr. 96, datë 17.06.2016, Bordi i Entit Rregullator të Energjisë (E.R.E), në mbledhjen e tij të datës 01.07.2016, pasi shqyrtoi, relacionin e Drejtorive Teknike,

Konstatohet se:

- Problematika e marrdhënieve të ndërsjellta, që ishte një nga shkaqet kryesore të mosaxhustimit të të ardhurave që i përkasin periudhës 2012 – 2014 si dhe vendimit nr. 156, datë 24.12.2015, vazhdon të ekzistojë.
- Asnjë nga kompanitë nuk ka paraqitur axhustime të periudhave të mëparshme të vitit 2015 si dhe 6 mujorit të parë të vitit aktual.
- Aplikimi i OSHEE dhe OST konsiston në llogaritje të të ardhurave të kërkuara për periudhën një vjecare.
- Mungesa e mbajtjes së llogarive të ndara për aktivitetin e shpërndarjes dhe furnizimit apo dhe alokimi i kostove reale në nivelin tensioni si pasojë e vështirësive që paraqet mbajtja e llogarive në kompani.

- Aktiviteti i furnizimit universal (furnizim me pakice) tashme duhet te reflektoje dhe kostot e aktivitetit te transferuar nga FPSH nga data 1 Korrik 2016. Ne lidhje me kete transferim nuk disponojmë asnje dokument apo vendim te pronarit per menyren e transferimit te aktivitetit duke perfshire dhe kostot perkatese.
- Ne lidhje me percaktimin e te ardhurave te kerkuara te aktivitetit te gjenerimit duhet te behet ne perputhje me metodologjine perkatese, ne respekt te ligjit 43/2015 dhe VKM Nr. 244 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike.” Sic verehet nga aplikimi i KESH sh.a te ardhurat e kerkuara per aktivitetin e prodhimit publik, perfshijne dhe elemente te te ardhurave te percaktuara ne Metodologjine e FPSH.
- Metodologjite e reja ne perputhje me Modelin e perkohshëm të Tregut jane akoma ne proces rishikimi ne bashkepunim me konsulencen e USAID-i dhe konsultimi me Sekretariatit e Vjenes.
- Nje situatë financiare e permiresuar e te tre kompanive si dhe ne likuiditetet pergjate 6 mujorit te pare të vitit 2016.
- Mbeshtetur ne nenin 10 pika 2 te ligjit 43/2015 “Per sektorin e Energjise elektrike”, ERE bashkëpunon me ministrinë përgjegjëse për energjinë dhe kjo e fundit ne seancen Zyrtare publike deklaroi se: *“Duke parë situatën e kënaqshme të kompanive si edhe faktin që jemi ne mes te procesit te ristrukturimit te kredive dhe shlyerjes së detyrimeve të ndërsjellta të të tre kompanive, i sugjerojme ERE-s: a-) të mbajë çmimin e shitjes me pakicë për konsumatorët fundorë të njëjtë me atë në fuqi b- ruajtjen e të njëjtave tarifa mes operatorëve për 6-mujorin e dytë.*

Për gjithë sa më sipër cituar Bordi i ERE-s,

Vendosi:

1. Të lërë në fuqi për periudhën 1 Korrik 2016 deri në 31 Dhjetor 2016, tarifat dhe çmimet e energjisë elektrike të miratuara përkatësisht me vendimet si më poshtë:
 - Vendimin nr. 139, datë 26.12.2014 “Për përcaktimin e tarifës së prodhimit të energjisë elektrike nga KESH sh.a. për vitin 2015”.
 - Vendimin nr. 141, datë 26.12.2014, “Për përcaktimin e tarifës për shërbimet ndihmëse të KESH sh.a. për vitin 2015”.
 - Vendimin nr. 145, datë 26.12.2014, “Për përcaktimin e tarifës të transmetimit të energjisë elektrike nga OST sh.a për vitin 2015”.
 - Vendimin nr.146, datë 26.12.2014 “Për përcaktimin e tarifës së shërbimit të shpërndarjes së energjisë elektrike për vitin 2015 në nivelin e tensionit 35 kV”.
 - Vendimi nr. 147, datë 26.12.2014 “Për përcaktimin e tarifës mesatare të shërbimit të shpërndarjes së energjisë elektrike për vitin 2015”.
 - Vendimi nr. 148, datë 26.12.2014 “Për përcaktimin e çmimeve të shitjes me pakicë të energjisë elektrike për konsumatorët tariforë për vitin 2015”.
2. OSHEE sh.a per periudhen e mbetur te vitit 2016, pervec shlyerjes se detyrimeve korente, te kryej edhe pagesat ndaj KESH sh.a dhe OST sh.a nga detyrimet e prapambetura per qellime te pagesave te kredive nga OST sh.a dhe KESH sh.a.
3. Përditësimi dhe kompensimi i të gjitha efekteve të mundshme financiare për të licensuarit për periudhën 2015 dhe vitin 2016 do të bëhet në periudhën pasardhëse.
4. Drejtoria e Tarifave dhe Çmimeve të njoftojë të interesuarit për vendimmarrjen e Bordit të ERE-s.

Ky vendim hyn në fuqi menjëherë.

Ky vendim botohet ne Fletoren Zyrtare.

Kryetari ERE-s

Petrit AHMETI

